

О нароженных дщерий. Глава 2

Бог всеиленный сотворив человека, бог же и жену. Обоя сут добра божиа сотворениа. Якоже миру без муж невозможну быти, тако и без жен. Аще же, государи, не велми о сем порадовася, но радуйся сему еже бог возда. Бог же видев, яко еже подав ти еже сам восхотев. Тебе же аще и неудобь, но его благодариши и сего ради воздаст ти потом исполнение твоих хотений, еже возжелением хощеши — есть бо милостив и всех сердца испытуя и мысли. Сего ради, государи, всему его дарованию с любовию радуйся и сотвори милосердие к повинным ти, преврати гнев на милость. Бог же свой праведный гнев, еже о твоих согрешении имать к тебе на милость превратить и оставит ти согрешения и воздаст ти вся хотения сердца твоего.

Бог же мира да буди с тобою, государем, вовеки.

л. 272 О наследствии градов супостатных. Глава 3

Бог укрепивый Авраама на Ходолгомора, царя перьска, и Моисея на фараона, царя египетскаго и на Сиона царя и Ога царя хананейских, и Иуса Навгина на Орива, и Зива, и Зевея, и Салмана и на Ерихон, и Гедеона на мадиямы, и царя Давида на филистимляня, и царя Константина на Максентиа, той же и тебе за еже благовериа ради твоего укрепив: вас бо царей благоверствующих преже рожения вашего ко обещаению своему на враги готовит, якоже древле святыи дух пророческими усты великаго Исайи и о невернем цари преже рожения его уяснител не извеща, рече бо: «Тако глаголет господь помазаннику своему Киру, его же приях за деницу, повину пред ним страны и крепость царей раздеру, отверзу пред ним врата и гради не заключатся. Аз пред ним иду, и горы поглажу и врата медяная сотру и веревя железныя сокрушу, и дам ти сокровища темна || и утаенная: невидимая отверзу ти, да увеси яко аз господь бог, взывай имя твое, бог израилев».^а Также и тебе ныне возвеличив и утешив. Сего ради, государи, аще хощеши от бога сугубу радость нынешнеи прияти сотвори благодарение ко господу, якоже он заповеда рекий: «любите враги ваша, добро творите ненавидящим вас, яко да будете сынове отца вашего иже есть на небесех, яко той солнце свое сияет на злыя и благиа и дождь дождит на праведныя и на неправедныя».^б Сего ради, государи, божиа ради превеликиа милости нынешниа сотвори милосердие к повинным ти, преврати гнев на милость. Бог же свой праведный гнев, еже о твоих согрешении имать к тебе на милость превратит и оставит ти согрешения и воздаст ти сторицею на вся твоя враги одоление.

Бог же мира да буди с тобою, государем, во веки.

О победе на враги ратныя. Глава 4

л. 273 Бог избравый от невериа в веру прародители вашего великаго князя Владимира, его же реку святаго, яко первоизданнаго в Русии князя Василиа, равнаго апостолом, ему же во крещении, яко Павлу, божие наказание, ослепление очию, яко чешуя отпаде.

И Павел убо к богу вся языки учением привед, тем же и бог, яко от первоизданнаго Адама праведнаго Авелиа избравый за смирение непротивления братняго убийства, тем же образом и от сего праведных Бориса и Глеба избравый без противления от брата убиенных и богови с праведным

^а Исаия, XLV, 1—3. ^б Матф., V, 44—45.